

Komisioni për Mbrojtjen e Konkurrencës, në bazë të nenit 28 dhe nenit 19 paragrafi (1) pika 2) të Ligjit për Mbrojtjen e Konkurrencës ("Gazeta Zyrtare e Republikës së Maqedonisë" nr. 145/10, 136/11, 41/2014, 53/16, 83/18 dhe "Gazeta Zyrtare e Republikës së Maqedonisë së Veriut" 208/24 dhe 16/25), duke vepruar sipas njoftimit për përqendrim të parashtruar nga Althea Acquisition Bidco S.à r.l., me seli të regjistruar në adresën 28, boulevard FW Raiffeisen, L-2411 Luxembourg, Dukati i Madh i Luksemburgut, nëpërmjet Shoqërisë së avokatëve Konstantinoviç dhe Milloshevski nga Shkupi, në seancën e mbajtur më datë 29.10.2025, e solli këtë:

AKTVENDIM

1.Konstatohet se përqendrimi me të cilin Althea Acquisition Bidco S.à r.l., me seli të regjistruar në adresën 28, boulevard FW Raiffeisen, L-2411 Luxembourg, Dukati i Madh i Luksemburgut, do të fitojë kontroll mbi AI Sirona (Luxembourg) Acquisition S.à r.l. me seli në 5 rue des Capucins, L-1313 Luxembourg, Dukati i Madh i Luksemburgut, edhe pse bie nën dispozitat e Ligjit për Mbrojtjen e Konkurrencës, nuk do të ketë si pasojë parandalimin, kufizimin ose shtrembërimin e dukshëm të konkurrencës efektive në treg ose në një pjesë thelbësore të tij, veçanërisht si rezultat i krijimit ose forcimit të pozitës dominuese të pjesëmarrësve dhe **është në përputhje me dispozitat e Ligjit për Mbrojtjen e Konkurrencës në kuptim të nenit 19 paragrafi (1) pika 2) të Ligjit për Mbrojtjen e Konkurrencës.**

2.Obligohet parashtruesi i njoftimit për përqendrim të paguajë taksën administrative për njoftimin për përqendrim në shumë prej 6.000,00 den. dhe për aktvendimin në shumë prej 30.000,00 den., sipas numrit tarifar 34 të Ligjit për taksat administrative ("Gazeta Zyrtare e Republikës së Maqedonisë" nr. 17/93, 20/96, 7/98, 13/01, 24/03, 19/04, 61/04, 95/05, 7/06, 70/06, 92/07, 88/08, 130/08, 6/10, 145/10, 17/11, 84/12, 192/15, 23/16 dhe "Gazeta Zyrtare e Republikës së Maqedonisë së Veriut" nr. 151/21) në llogarinë e Buxhetit të Republikës së Maqedonisë nr. 100000000063095, llogaria e pagesës 840...03161, kodi i të hyrave dhe programi 72231300.

3.Padia për fillimin e kontestit administrativ nuk e shtyn ekzekutimin e aktvendimit.

A r s y e t i m

Në përputhje me dispozitat e nenit 15 të Ligjit për Mbrojtjen e Konkurrencës (në tekstin e mëtejshëm: Ligji), më datë 03.10.2025, dhe plotësuar më 15.10.2025, Komisionit për Mbrojtjen e Konkurrencës (në tekstin e mëtejshëm: Komisioni) iu dorëzua njoftim për përqendrim nga Althea Acquisition Bidco S.à r.l., me seli të regjistruar në adresën 28, boulevard FW Raiffeisen, L-2411 Luxembourg, Dukati i Madh i Luksemburgut, me të cilin Althea Acquisition Bidco S.à r.l. do të fitojë kontroll të vetëm mbi AI Sirona (Luxembourg) Acquisition S.à r.l. me seli në 5 rue des Capucins, L-1313 Luxembourg, Dukati i Madh i Luksemburgut.

Komisioni filloi me shqyrtimin e Njoftimit në ditën e pranimit të tij dhe në bazë të të dhënave të dorëzuara në Njoftimin për përqendrim, plotësimin dhe shtojcat e tyre, konstatoi si vijon:

Aktivitetet themelore afariste të ndërmarrjeve të përfshira:

Althea Acquisition Bidco S.à r.l., në instancë të fundit kontrollohet nga fonde të menaxhuara nga filialet e GTCR LLC ("**GTCR**"), firmë me kapital privat e fokusuar në investimin në kompani në rritje në industritë e shërbimeve financiare dhe teknologjisë, mbrojtjes shëndetësore, teknologjisë, mediave dhe telekomunikimeve, si dhe shërbimeve afariste dhe konsumatore. GTCR e ka selinë në SHBA. GTCR gjeneron të ardhura në Maqedoninë e Veriut vetëm nëpërmjet kompanive në portofolin e saj të cilat kontrollohen prej saj në fushën e ofrimit të zgjidhjeve për menaxhimin e zinxhirit të furnizimit në platformën B2B të dedikuar për sektorin e ndërtimit dhe ofrimit të shërbimeve të optimizimit të qendrave të dhënave dhe infrastrukturës së rrjetit.

AI Sirona (Luxembourg) Acquisition S.à r.l. është shoqëri për qëllime të veçanta dhe menaxhon grupin e kompanive Zentiva – e specializuar për zhvillimin, prodhimin dhe komercializimin e ilaçeve të cilësisë së lartë me çmime të përballueshme.

AI Sirona (Luxembourg) Acquisition S.à r.l. është e pranishme në Maqedoninë e Veriut nëpërmjet një shoqërie të varur të Zentiva – Shoqëria për tregti dhe shërbime ZENTIVA PHARMA MAQEDONIA eksport-import SHPKNJP Shkup, me seli të regjistruar në rrugën "Jordan Mijallkov" nr. 48-1/1-2, 1000 Shkup, me veprimtari të regjistruar 46.460 – tregti me shumicë e produkteve farmaceutike dhe mjekësore.

Komisioni konstatoi se përqendrimi i njoftuar bie nën dispozitat e Ligjit, sepse plotëson kushtet nga neni 12 paragrafi (1) dhe pika 2) dhe nga neni 14 paragrafi (1) pika 1) dhe 2) të Ligjit për Mbrojtjen e Konkurrencës.

Komisioni, duke pasur parasysh kriteret nga neni 17 paragrafi (2), paragrafi (3) dhe paragrafi (4) i Ligjit për Mbrojtjen e Konkurrencës dhe pikën 6 b) të *Udhëzimeve për përcaktimin e rasteve në të cilat gjatë vlerësimit të përqendrimeve Komisioni për Mbrojtjen e Konkurrencës zakonisht do të konstatojë se ato janë në përputhje me Ligjin për Mbrojtjen e Konkurrencës*, vlerësoi se përqendrimi i njoftuar, edhe bie nën dispozitat e Ligjit, është në përputhje me të, sepse nuk do të ketë si pasojë pengimin, kufizimin apo shtrembërimin e ndjeshëm të konkurrencës efektive në treg ose në një pjesë thelbësore të tij, veçanërisht si rezultat i krijimit apo forcimit të pozitës dominuese të pjesëmarrësve.

Duke pasur parasysh këtë vlerësim të përqendrimit, Komisioni vendosi si në dispozitivin e këtij Aktvendimi, në përputhje me nenin 19 paragrafi (1) pika 2) të Ligjit.

Në përputhje me nenin 53 paragrafi (2) të Ligjit, padia nuk e shtyn ekzekutimin e aktvendimit.

Udhëzim për mjetin juridik:

Kundër këtij vendimi mund të ngrihet padi për fillimin e kontestit administrativ pranë Gjykatës Administrative në afat prej 30 ditësh nga dita e pranimit të aktvendimit.

KOMISIONI PËR MBROJTJEN E KONKURRENCËS
KRYETARE

Mr. Малинка Силјановска Николиќ

